

# Bases que rexerán a selección en 2018 dos músicos da banda sinfónica da federación galega de bandas de música populares

A Banda Sinfónica da Federación Galega de Bandas de Música Populares (en adiante, BSFGBMP) representa a Federación Galega de Bandas de Música Populares (en adiante, FGBMP) e estará composta por músicos procedentes das bandas federadas. As actuacións que leven a cabo non entrarán en conflito cos intereses das diferentes bandas de música federadas, limitándose ás súas actuacións á interpretación de concertos, participación en festivais ou actos institucionais e solemnes, polo que non atenderá ruadas, festas, verbenas, concursos e outros actos festivos susceptibles de ser realizados polas demais bandas federadas a cambio dunha remuneración previamente establecida.

## 1. Obxecto da convocatoria

É obxecto da presente convocatoria a selección dos músicos que formarán parte da BSFGBMP. Esta banda estará formada por un mínimo de 80 músicos. A comisión seleccionadora elaborará unha lista de músicos en reserva o máis ampla posible.

## 2. Quen pode presentarse

Terá a posibilidade de participar nesta convocatoria todo músico que estea dado de alta no censo de músicos federados da FGBMP. O nivel mínimo esixido é 4.º de Grao Profesional ou nivel interpretativo equiparable.

## 3. Inscrición

~~A inscrición nas probas realizarase a través da páxina web [www.bandas.gal](http://www.bandas.gal) no apartado [Trámites](#), premendo no enlace habilitado para a inscrición e cubrindo o formulario correspondente.~~

*Por motivos loxísticos, a inscrición realizarase mediante o seguinte [formulario](#).*

A inscrición estará aberta entre o 1 e o 31 de marzo. Enviarase un vídeo sen cortes, gravado nos últimos 18 meses e no que o candidato interprete un movemento ou obra de libre elección. Admítese a posibilidade de se trate dunha obra de solista acompañado por piano, banda ou calquera outra formación. No formulario de inscrición deberase achegar o atallo a YouTube ou plataformas similares.

Rematado o prazo, a Federación informará de calquera tipo de incidencia no proceso de inscrición. Habilitarase un prazo de 2 días hábiles para a presentación de incidencias, tras os que a Federación procurará dar resposta nun prazo inferior a 3 días hábiles.

## 4. Valoración

A Federación delega a potestade avaliativa para o proceso de selección a unha comisión de expertos, creada expresamente para tal fin, que valorará a todos os músicos participantes neste proceso.

As puntuacións serán publicadas nunha lista na que só constará o número de DNI e a cualificación obtida.

## 5. Publicación das listas

A Comisión Delegada da Avaliación emitirá un informe das valoracións realizadas. A Xunta Directiva da FGBMP elaborará a relación de músicos admitidos, que será publicadas nunha listaxe onde só constarán o DNI e cualificación obtida.

## 6. Orde nas listas

A orde de chamada virá dada polo lugar que acadou cada instrumentista nas probas. A xerencia artística terá a posibilidade de chamar aos reforzos que considere estritamente necesarios, previa autorización da Xunta Directiva.

Os músicos que forman parte da BSFGBMP por ter superado as probas realizadas en 2017 poderán ser engadidos ó cadro de músicos titulares e reservas.

Nas actuacións que realice a BSFGBMP, os músicos serán chamados gardando rigorosamente a orde da lista. No suposto de que algún compoñente non poida acudir aos ensaios e concertos, chamarase ao seguinte da mesma.

## 7. Músicos seleccionados

Aos músicos seleccionados aplicaráselle o regulamento interno da BSFGBMP. Adquiren o compromiso de estudar as partituras que lles sexan entregadas así como de asistir aos ensaios e actuacións e acatarán as decisións da dirección e organización artística.

## 8. Relación coa FGBMP

Cada músico participante asume a pertenza a un proxecto sen ánimo de lucro cuxos obxectivos principais abranguen a consecución da posta en valor das bandas de música populares galegas a través dunha banda de bandas na que todas elas poderán ser representadas polos músicos galegos de máis elevado nivel interpretativo.

Os músicos poderán solicitar, se así o precisan, certificacións de colaboración no proxecto da BSFGBMP, así como a achega, se as condicións económicas o permitisen, dunha parte do custe producido pola súa participación .

## 9. Duración da BSFGBMP

A existencia da BSFGBMP é indefinida. A validez desta convocatoria terá unha vixencia de 2 anos prorrogables.

## 10. Renovación das listas da Banda Sinfónica da FGBMP

Salvo impedimento de forza maior, realizarase unha actualización das listas cada dous anos. Se nese período o número de reservas non fose o necesario, abriríase unha nova convocatoria de selección.

## 11. Incidencias

A Xunta Directiva da FGBMP resolverá calquera incidencia relativa a esta convocatoria.